



Nýr Landspítali staða framkvæmda og fréttir af verkefninu

- Niðurstöður hönnunarútboðs vegna Grensás
- Uppsteypa meðferðarkjarna
- Sumarmálstofa Nýs Landspítala
- Starfsmenn Sjúkratrygginga Íslands í heimsókn
- Starfsmenn frá exa nordic skoða framkvæmdir
- VSB verkfræðistofa í kynnisferð
- Starfsmenn Borgarlínu sækja sér upplýsingar
- 20.000 rúmmetra steypuáfanga fagnað

Niðurstöður hönnunarútboðs vegna Grensás



Ný viðbygging endurhæfingarhúsnæðis Grensásdeildar verður um 3.800 fermetrar

Niðurstaða liggur fyrir í hönnunarútboði vegna nýbyggingar við Grensásdeild Landspítala. Um er að ræða nýja viðbyggingu endurhæfingarhúsnæðis Grensásdeildar sem verður um 3.800 fermetrar að stærð og mun rísa að vestanverðu við núverandi aðalbyggingu.

Fimm hópar voru valdir eftir forval til að keppa í útboði, en átta hópar skiluðu inn þátttökutilkynningum. Útboðið byggði á matslíkani þar sem mat var lagt á tillögur þátttakenda og gildi tillagan 60% af heildarstigafjölda, en kostnaðartilboð bjóðenda 40%.

Niðurstaðan er að hópur Nordic Office fékk hæstu stigagjöfina eða 100 stig, en hópurinn var með hæsta skor í matsþáttum sem og lægsta tilboðsverðið.

Heildarniðurstaða á mati og tilboðverði hópanna er eftirfarandi:

Hópur Lotu hlaut 59,76 heildarstig, kostnaðartilboð 358.291.676 kr. án vsk.

Hópur Nordic Office hlaut 100 heildarstig, kostnaðartilboð 212.844.000 kr. án vsk. Hópur

Úti og inni hlaut 58,20 heildarstig, kostnaðartilboð 324.946.500 kr. án vsk. Hópur Mannvit


hlaut 74,66 heildarstig, kostnaðartilboð 220.243.875 kr. án vsk. Hópur THG, kostnaðartilboð var ekki opnað í samræmi við útboðsreglur og birtast því engin heildarstig.

Kostnaðaráætlun NLSH var 300.445.000 kr. án vsk. Útboðsverkefnið verður nú unnið áfram í samræmi við lög nr. 120/2016 um opinber innkaup áður en ákvörðun um samning verður tilkynnt.“

Uppsteypa meðferðarkjarna



Uppsteypa meðferðarkjarna séð frá austri til vesturs, unnið við 1. hæð og kjallara 1



Uppsteypa meðferðarkjarna séð frá vestri til austurs niður í kjallara 1



Uppsteypa og fyllingar í meðferðarkjarna í kjallara 1

Uppsteypuverkefni nýs meðferðarkjarna er að ganga vel en aðalverktaki uppsteypu-verksins er Eykt hf.

„Helstu verkþættir sem nú eru í gangi við uppsteypuna eru við mótauppslátt, járnabendingu, eftirspennu, jarðskaut, fyllingar, lagnir í grunni og uppsetningu stálvirkis. Neðri kjallari er að klárast og einnig botnplötur í efri kjallara. Unnið er við frágang kjallaraveggja, fyllingar að þeim sem og fyllingar inn í rými er í fullum gangi og langt komin. Uppsteypa veggja og súlna efri kjallara er einnig langt komin. Vinna við fyrstu súlur, ramma og plötur á 1.hæð er hafin og mannvirkið vel sýnilegt.

Áfram er unnið við eftirspennu platna og gengur vel, einnig við stálvirki og búið að setja upp fyrstu súlur og bita.

Uppsteypa neðri kjallara er að klárast og góður gangur í framkvæmdum við tengiganga fyrir norðan meðferðarkjarna.

Uppsteypa tengiganga milli meðferðarkjarna og rannsóknarhúss er að hefjast,“ segir Eysteinn Einarsson staðarverkfræðingur hjá Nýjum Landspítala.

Sumarmálstofa Nýs Landspítala



Runólfur Pálsson, forstjóri Landspítala, flutti lokaorð á sumarmálstofunni

Þann 23. júní var haldin hin árlega sumarmálstofa Nýs Landspítala og var hún vel sótt. Félagið hefur staðið reglulega fyrir málstofum, fyrir hagaðila, um framgang verkefna félagsins. Á málstofunni fóru starfsmenn yfir stöðu verkefna og auk þess flutti Helga Jóhanna Bjarnadóttir, hjá EFLU verkfræðistofu fyrirlestur um BREEAM umhverfsvottunarkerfið. Nýr Landspítali hefur þegar fengið BREEAM vottun á byggingu sjúkrahótelsins, hæstu einkunn sem gefin hefur verið hérlendis. Einnig er unnið að vottunarverkefnum vegna meðferðarkjarna og rannsóknahúss. Runólfur Pálsson, forstjóri Landspítala, flutti samantekt og lokaorð þar sem hann vék m.a. að þeirri miklu uppbyggingu sem væri á Hringbrautarlóðinni og um leið horfði hann til framtíðar með starfsemi spítalans í nýjum og eldri byggingum.

Starfsmenn Sjúkratrygginga Íslands í heimsókn



Það var glatt yfir starfsmönnum Sjúkratrygginga Íslands í heimsókninni

Þann 8. júní komu í heimsókn starfsmenn frá Sjúkratryggingum Íslands. Gunnar Svavarsson, framkvæmdastjóri Nýs Landspítala, kynnti stöðu dagsins í framkvæmdaverkefninu. Að því loknu var boðið upp á skoðunarferð um framkvæmdasvæðið undir leiðsögn Ólafs M. Birgissonar staðartæknifræðings.

Starfsmenn frá exa nordic skoða framkvæmdir



Starfsmenn exa nordic skoða framkvæmdir við Hringbraut

Þann 9. júní komu starfsmenn frá exa nordic og fengu kynningu frá Gunnari Svavarssyni framkvæmdastjóra á verkefnum Nýs Landspítala. Að lokinni kynningu var framkvæmdasvæðið við Hringbraut skoðað undir leiðsögn frá Eysteini Einarssyni, staðarverkfræðings Nýs Landspítala.

VSB verkfræðistofa í kynnisferð



Starfsmenn VSB verkfræðistofu fengu leiðsögn um framkvæmdasvæðið

Þann 10. júní komu starfsmenn frá VSB verkfræðistofu á kynningu um verkefnið og að því loknu var framkvæmdasvæðið skoðað.

Gísli Georgsson verkefnastjóri á þróunarsviði sá um kynninguna og Bergþóra Smáradóttir og Steinar Þór Bachmann á framkvæmdasviði um leiðsögn um framkvæmdasvæðið.

Starfsmenn Borgarlínu sækja sér upplýsingar



Starfsmenn Borgarlínu á kynningu um framkvæmdaverkefni Nýs Landspítala

Starfsmenn Vegagerðarinnar, sem sinna verkefnum Borgarlínu, komu nýlega á Hringbrautarsvæðið til að kynna sér starfsemi Nýs Landspítala ohf. og skipulag framkvæmda s.s. umhverfis- og öryggisstjórnun og upplýsingaveitur til almennings og fjölmiðla. Ásdís Kristinsdóttir staðgengill forstöðumanns Borgarlínu fór fyrir hópnun. Gísli Georgsson, verkefnastjóri á þróunarsviði, kynnti umfang og eðli framkvæmdanna við Hringbraut og fjallaði sérstaklega um meðferðarkjarnann og Steinar Þór Bachmann, verkefnastjóri á framkvæmdasviði, sýndi framkvæmdasvæðið. Nýr Landspítali hefur lagt áherslu á að miðla af reynslu sinni, m.a. til starfsmanna Borgarlínu, af þeirri brautryðjendavinnu sem félagið hefur innleitt í starfsemi sinni við verkefnastjórn við Hringbraut.

20.000 rúmmetra steypuáfangi fagnað




Boðið var upp á glæsilegar veitingar í tilefni áfangans

Sá merki áfangi náðist í júní að búið er að leggja niður 20.000 m³ af steypu af um 55.000 m³ sem áætlað er í uppsteypu meðferðarkjarnans. Af því tilefni var starfsfólki við uppsteypuna boðið upp á veitingar.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Akstursleið — Akstursstefna —> Gönguleið — Vinnusvæði

Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmiðlum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Alaskareitnum við Burknagötu / Póstfang: Pósthólf 20, 121 Reykjavík
Aðalnúmer 551 6010 / kt. 500810-0410 / postur@nlsh.is

Höfundaréttur © NLSH ohf.